

Na osnovu člana 110. Zakona o javnim nabavkama („Službeni glasnik BiH“ broj: 39/14), Javna ustanova Federalna novinska agencija, d o n o s i:

O D L U K U
o obustavi postupka javne nabavke

Član 1.

Obustavlja se postupak javne nabavke putem Konkurentskog zahtjeva „Nabavka usluge dodatnih licenci i nadogradnje sistema za elektronsko vođenje protokola, upravljanje predmetima i dokumentima, upravljanje sistemom kvaliteta u skladu sa međunarodnim standardom EN ISO 9001:2015, odnosima sa klijentima, ugovorima i arhiviranjem“ za koji je Javna ustanova Federalna novinska agencija objavila obavještenje broj: 14753-7-2-64-3-3/21 na portalu javnih nabavki Bosne i Hercegovine, a na osnovu izjavljene žalbe na tendersku dokumentaciju od strane ponuđača Gama System BH d.o.o. Ilidža.

Član 2.

Obavještavaju se ponuđači koji su preuzeli tendersku dokumentaciju za ovaj postupak da se prolongira zakazano dostavljanje ponude do daljnjeg, odnosno do donošenja odluke/rješenja po žalbi Ureda za razmatranje žalbi BiH.

Ugovorni organ će o nastavku postupka javne nabavke i novim terminima za dostavljanje ponude blagovremeno obavijestiti sve učesnike u postupku, odnosno sve ponuđače koji su preuzeli tendersku dokumentaciju.

Član 3.

Ova Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 04-3-279/21 od 15.04.2021. godine. Procijenjena vrijednost javne nabavke bez PDV-a je 25.641,00 KM. Obavještenje o nabavci broj: 14753-7-2-64-3-3/21 objavljeno na Portalu javnih nabavki BiH dana 23.04.2021. godine.

Nakon preuzimanja tenderske dokumentacije od strane jednog potencijalnog ponuđača koji je preuzeo tendersku dokumentaciju izjavljena je žalba na istu.

Ispitujući procesne pretpostavke za rješavanje izjavljene žalbe shodno odredbi člana 100. Zakona o javnim nabavkama („Službeni glasnik BiH“, broj:39/14), ugovorni organ konstatuje da je izjavljena žalba blagovremena, dopuštena i da je izjavljena od strane ovlaštenog lica, nakon čega će se postupak obustaviti shodno odredbi člana 110. Zakona o javnim nabavkama („Službeni glasnik BiH“, broj:39/14) dok Ured za razmatranje žalbi BiH ne donese odluku u vezi predmetne nabavke.

Na osnovu navedenog odlučeno je kao u dispozitivu ove Odluke.

DIREKTOR

Elmir Huremović

mr.sci. Elmir Huremović, dipl.ing.el.



Dostaviti:

- Portal javnih nabavki Bosne i Hercegovine,
- evidencija.